

增補

出青新集

一
函八冊

齊平私藏

PDG

憑山閣增輯留青新集卷二十

奏疏

廣士額疏

趙廷臣

弭盜奏疏

佟國器

請禁預徵

戶科題

問刑奏疏

佟國器

賦役奏議

秦世禎

條議

盜情條議十款

失名

漕糧條禁

秦世禎

錢法條議

蔡懋德

徵收最善條議

王永吉

通詳田役條議

潘必鏡

人命首議

徐斯適

人命條議

李士楨

災荒條陳

失名

人命檢驗議

毛際可

禁絕私販議

胡海若

憑山閣增輯留青新集卷之二十

西泠陳

枚簡侯選

男

德裕子厚增輯

錢塘陳雲路咫顏訂

休邑朱從儀慎威叅閱

奏疏

廣士額疏

趙廷臣

君鄰

題爲收人才以培國本集士氣以回天心。臣謹具疏陳奏伏乞
睿鑒勅部議覆事。臣思國家肇興必由于作人。王政開先務期於
得士。蓋天生人才原以供一代之用。凡下民有才幹心思者古
先聖王必取而養之學校課其德藝貢之于大廷此其意豈僅
爲一人計功名哉。誠以人上而有才幹心思者。象之以功名。而
念有所歸擲之于放棄閑散之地。而外爲閭里所誚詆。內爲寒

飢所困逼求其不窮而走險者難矣乃知功名一途所以伸天下之士氣正柔天下之士心也臣極知

皇上廓清仕路既慮官方壅滯士路克塞故有嚴于取士之功令大縣一十五名中縣一十二名小縣七名此真拔尤選俊寧簡無濫甚盛典也但念前此取士之額甚廣三年之內一歲一科而兩校之如期最密故盡人皆踴躍于功名之路而無所弛逐駕之憂目今額數既少三年一試爲期復遠天下極大之縣生民不止數十萬小縣亦有數萬中間有才幹心思者寧止十五人七八人乎母怪乎爲躍冶之民小之舞文健訟大之竊盜蓄奸日復一日有漸不可問者矣臣愚以爲取士之額關一人之功名小關天下之人心大敢請

皇上從治平起見

敕部議增取士額數庶闢門之典廣而風動

之休集語云十年樹木百年樹人殆謂是歟抑臣更有請焉我
朝養士數十年培植深厚前議恩拔貢士雖經停止復奉
俞旨准用皆出

皇上憐才至意然其中尤有可憐者莫如歲貢耗一生之精血而
不能升之司馬以致老死牖戶者不無其人臣查歲貢一途緣
係廩生揆貢由童稚以至皓首歷試不能上達得遇一貢以完
生平之願今若一槩停止不但扼向隅之嘆而後進無寸步之
階臣懇

皇上鴻慈俯准照舊揆貢按年歲荐以慰寒慙之苦至于欠糧黜
生革懲已久查明糧已全完許以自新俾之降等附考此尤

皇上如天之度愛養人才收拾人心之大本也緣奉有見行事理

據實具奏之

旨臣謹遵

旨陳奏

云

云

彈盜奏疏

修國器

匯白

竊惟天下一切刑名惟人命強盜爲重然人命有証佐可據其事易明有傷痕可驗其跡易見盜賊則不然昏夜莫知誰何踪跡杳無定在迨至拘攝到官不加嚴刑必不肯認然彼自爲之計與其摧殘肢體傷折肌骨何如苟緩一時姑俟後日真盜固不輕招招者未必真盜臣以爲刑訊之法未盡可恃也若使弭盜有術緝盜有方審盜有法則盜賊自少而地方得以寧謐矣臣謹條議凡欵爲我

上陳之

一察爲盜之人。凡不農不商不工不傭無恒業之人與盜近矣。不事生計恣意賭博與盜更近矣。迨其爲盜形狀自異出入無時潛去潛歸一也往來多面生可疑之人二也常有贏餘費用不經三也此皆民間之盜最易覺察者也。邇來爲盜多是逃兵月營伍之裝餉無將領之鈐束地方不敢問捕役不能詰惟有鄉保法嚴流寓必稽則此輩無所容身矣。甚至見在食糧之兵亦有爲盜者傳聞各處禁城居民往往被劫非本弁故縱豈能猖獗至此。臣以爲事發之日該營將領應按軍法處斬

一嚴藏盜之地除深山大澤綠林嘯聚外其欲劫掠城市人家若非往來窺探路徑習熟豈能突然而來。是以娼家酒樓旅店開場賭博之處皆爲藏盜淵藪。菴觀寺院次之。誠能信賞必罰

勒令捕人不時稽察。非但得本地之盜已也。四方大盜俱無所容矣。

一緝窩盜之家。世無窩主。則盜賊何處潛踪。盜之去來。無常而窩之居處。有定。盜之踪跡。猶秘而窩之舉動。甚彰。凡被劫之處。其盜之窩家。近不出五里。遠至十里。二十里止矣。蓋強盜行劫。勢難遠涉。一恐腹饑力盡。二恐天明追捕。豈有劫掠良久。分賊擾攘之後。自二十里外而來。復出二十里外而去乎。凡盜發後。密訪附近地方情形。可疑之家。未有不得盜者。此就被劫處言也。又有久慣窩盜。四出行劫。仍串通本地之窩。爲線索者。此鄉甲之法不行故也。合應著爲法令。獲得其實者。一窩准十盜之賞。凡本州縣窩主。在別州縣事發者。卽就窩主所在。該官以昏

庸叅革

一釐審盜之弊。凡獲一盜。未有不令供招夥黨。初獲之時。神魂無主。情實易露。亦有狡黠之徒。借將睚眦之讐。誣扳數人。以脫嚴刑。問官不知。卽有落筆附卷之害。據彼口說。信筆填寫。招房輒粘連附卷。以圖勾攝。取錢此票一出。捕役上手。誰敢問遲。一粘卷。凡有姓名者。卽爲盜案中人。辨得清時。身家不可問矣。全在問官。細心辨其聲口。察其情狀。蓋真僞之情。辭色自別。虛捏之語。辨問則窮。我多方以辨之。則掩獲之術不及卒備。我隔別以訊之。則無備之語不及會同。如果情節真正無疑。此單方可附卷。若覆答差謬。其中必有讐。扳玉石不分。最爲大害。故審盜者。切不得以參差供單草率附卷也。

一別審賊之弊。盜以贓獲。主認爲定案。然而執贓論盜。往往失真。臣每見一招之中。盜數多者。嘗二三十人。某人分某物一一分明。種種招出。未嘗不歎鞠獄者之謬往也。今有雜物數拾。以二十人分之數。日後問所分物。各自言其所分。能不爽矣。以一人而言。十九人之所分。能一不爽乎。况盜皆烏合之衆。當昏夜之時。作倉皇之事。能以一人備記某人分某物乎。此皆沿習敘招格套。而不近情理者也。究所分贓。嘗云。花費無存。夫以真贓花費。而無憑坐盜。誰不曰。花費無存耶。凡盜情未確者。則當審其贓歸何處。賣與何人。若夫盜情既確。則不必待贓。以定獄律。稱袒得財者。斬。謂一人得財。則同行者皆斬。故又稱同行而不分贓。分贓而不同行。皆斬也。今定獄必拘於贓。則真盜以無

賊得脫者多矣。

一嚴捕盜之法。除負固連營者。應官兵剿除外。凡往來剽掠。出沒無時者。惟責成於捕役。盜賊原捕役之供戶。捕役卽盜賊之窩主也。若信賞必罰。法嚴今明。未有不得盜者。又盜之動靜。惟同夥知之。當懸重賞。令盜夥之中。有能出首渠魁及黨與。引領兵役勦捕者。除免本罪外。仍論功擢用。則盜黨人人自疑。而有解散之勢矣。

一慎緝盜之票。凡緝拿餘黨。不可不填明住址。年貌若糊塗。混開姓名。則處處可設牢籠。家家可施嚇詐矣。凡審供餘盜時。先要訊明某人年歲若干。身長身短。有鬚無鬚。面白面黑。住于某處。一一開註票上。庶無影射嚇詐之弊。臣見有事關叛逆重案。

隔省關提者並不開註籍貫年貌止列姓名以致逐縣搜查各里取結天下同名同姓之人甚多其爲詐索何可勝計伏乞天語申飭各直省內凡有事屬叛盜二案關提人犯者必須詳註籍貫年貌一一明確如無籍貫年貌不許行提。

一申首盜之令凡盜賊自首原准免罪若大功以上親及同居親屬雖無服者出首與自首同亦准免罪此律愚民不曉故父兄明知子弟爲盜而溺於情愛遂致隱瞞凡爲盜一二次者父兄知之一二月者鄉隣知之鄉隣首盜其實甚難蓋官司捕獲真盜或賊有可疑嘗十數駁未已良善之民出身首盜東奔西走妨工費錢萬一審不成獄不惟自坐虛枉且致羣盜報復身命俱喪以難事責之小民似非情矣惟鄉甲法行責成甚嚴則

人畏法而不畏盜盜亦一法而不讐人矣以後審實初盜其
兄應連坐審實久盜其鄉隣應重處

一清爲盜之源勸善莫如鄉約弭盜莫如保甲第實行則事理
民安虛文則事煩民擾夫盜也彼豈能不與人同里而居朝夕
相見乎彼生理經營里人有不知者乎所與交遊姓名面貌里
人有不識者乎縱在孤村豈無親戚族黨往來乎縱屬流寓其
來跡去跡居亭主人有不熟悉者乎若以鄉甲之法實在舉行
如有一人爲盜則闔約舉發如有一人非盜而被盜誣扳則闔
約保救惟鄉甲廢而盜賊敢于公行鄉甲廢而盜賊始有淵藪
鄉甲廢而被劫無聲援鄉甲廢而真盜無舉首鄉甲廢而被盜
扳誣不敢保救此盜風所由日熾也鄉甲之法誠嚴則奸宄無

處容身。天下不憂不治矣。

請禁預徵

題爲預徵苦民太甚懇乞嚴禁以抒民力以裕國用事。自我

皇上鼎新大業。禔福中外。海隅抒愛戴之忱。編氓竭筐篚之貢。靡
弗樂事。輸誠傾心。向化以故。國家歲有常貢。催徵歲有常數。
常供之外。無多求。催徵之外。無預索。上不病。國下不病。民抑
何道之隆也。乃臣數年前。聞有貪刻有司。今歲之征求未罷。來
歲之追呼旋逼。是一歲而併征二歲焉。名曰預征。今四海之人
郡邑之多。能無因循弊政。長此不改者乎。其苦民太甚之弊。臣
請得而究極言之。彼小民終歲動動。所獲粟不數石。公家之輸
此也。八口之待哺。此也。走市上而糶租糧。竟日錢不成千。除完

公之外。餬口無幾。且有餬口不足。有債轉貸者。小民止此筋力。竭蹶奔走。勉力急公。而來歲之追呼併迫。不虞隨膏立盡。乎使此預征之稅。卽預解入部。當此軍興。旁午之際。猶可以濟急。需數年來。郡縣有司。止解一年。尙有一年。正供不足者。更有一年。拖欠數年者。嗟此窮民間遇災旱。

皇上如天好生。尙議賑議蠲。無非視民如子。加惠元元。至意而貪刻有司。竟敲朴頻仍。殘虐以逞。何也。揆其心。不過多比一年錢糧。則多得若干火耗。止知肥己。罔卹民艱。不特此也。百姓之身家有數。一歲再征。勢必膏血罄盡。而皮毛胥落。致使逃亡。載道則轉輾溝壑。究之戶減而國課全虧矣。懇乞嚴勅各直省督撫。按速行轉饒。敢有仍蹈前弊。罄竭民力者。卽指名飛叅以

憑重處則鷄犬寧而元氣可保喘息定而輪將恐後太平郅隆之日於斯可立致矣以上痛激之言實從國計民生起見如果臣言不謬伏乞

皇上鑒納採擇。勅部議覆施行。

問刑奏議

冬國器 匱白

爲條議問刑則例以裨明慎事竊惟致治之道形名最重在京有刑部都察院大理寺衙門皆爲法司九卿之中司刑名者居其三臣閣部報伏讀

旨意批駁及三法司覈議可謂精且嚴矣第有招而後有看有看而後有議議者引律以議其罪也看者問官審斷之語也招者因問官審語而衍爲犯人自招之詞也議與看違則法司得